

UNIDAD II, Lección 1

Amamoyekankawalistli tlen olololistli  
ika ilwitl totahtzi

San Miguel Eloxochitlán, Puebla ipan 20 tlen *agosto* tlen 2010

Ipan matlaktle *hora* kualka tlen 20 tlen *agosto* tlen 2010 itech Weykalli *Municipal* tlen altepetl axto mihtowa, otimolohke timotlapowiske tlahtolli ika ilwitl totahtzi.

Tlen se motlapowis

1. Se kinmaka tlahtol nochi tlen ika ilwitl.

2. Motlalis ilwitekiohke.

3. Tlen mochiwas itech ilwitl.

4. Tlapowalistli iwan tlen kichiwaske.

Itech se tlahtol tlapowalli, se okinmile tleka omolohke, kenomin se kichiwas ilwitl totahtzi San Miguel, mochiwas itech 28 iwan 29 tlen *septiembre*.

Itech ome tlahtol tlapowalli, omotlalli ilwitekiohke, iwan omoselihke. Keme omoselli ilwitekiohke omoyehyekolinke tlen kichiwas itech ilwitl omoyehyekohke ipan 28 mawiltiske iwan yowak mihtotilistli iwan kitlatiske kastillo iwan ipan 29 tlahtol tiochiwalli.

Tlen ilwitekiohke kichiwaske se amatlahtlanilistli kan se kinehnekis Weykalli *Municipal* kanin mihtotiske iwan kanin mawiltiske. Noihke yehwa kichiwaske amanotzalistli mihtotilistli iwan amanotzalistli tlen mawiltiske.

Siktlami, omotlalihke topilehke tlen kololoske tomin \$100 kan se chantli se kitlaxtlawas tlen monehnekis itech ilwitl.

Ayakmo onka tlahtolli tlen se motlapowas otlanke olololistli ipan eyi *hora* tiotlak oxihkuilohke tlen okatka.

Kixihkuilo

Heliodoro González Hernández  
Tlen tlanawati

Kixihkuilo

Félix Neri Hernández  
Tlahkuilo

Donato Hernández Atlahua  
Mololowa inawak tomi

UNIDAD II, Lección 2

WEY MIHTOTILISTLI  
ILWITL TLEN NIN  
XIWITL

Motlalwitis tlen tlanawati San Miguel Itech Eloxochitlán, Puebla.

Tlen tonal 29 tlen *septiembre* tlen nin  
xiwitl itech kalwey altepetl.

Tlatzotzonaski itoka  
Tlen Astomeh then Altepetl

Tlatzotzonaske iwan  
Tlen Motlasohtla tlen Tzonkolika

Pewas ipan 9 yowak  
Ipati tlen ipan se kalakis: \$50.00

Mitzilwia tlen tekio ilwitl  
¡Amo tipoliwis!

UNIDAD II, Lección 2, escritura

Tlen tekio ilwitl totahtzin San Miguel

Tlahtol: Tlahtlanilistli ika  
kalwey iwan siyahte.

San Miguel Eloxochitlán, Pue., ipan 30 tlen *agosto* tlen 2010.

C. Luis Ramírez Pérez  
Tekio tlanawatilo  
San Miguel Eloxochitlán, Pue.  
P R E S E N T E

Tlen tlahkuilowah, tlen tekio itech ilwitl, timitztitlanilia miak tlahpalolistli timiztoka tewatzi ika timitztlahtlaniliske se kalwey iwan eyi *ciento* siyahte kanin yeski mihtotilistli ipan 28 tlen *septiembre*.

Timitztlasokamachilia mopalewilis, monawatia tlen tekioke itech ilwitl.

Ipanitalistli

Heliodoro González Hernández  
Tekio tlen ika ilwitl

Félix Neri Hernández  
Tlahkuilowa

Donato Hernández Atlahua  
Tlen imak mololowa tomi

UNIDAD II, Lección 3

AMATLANOTZALISTLI

Altepetl San Miguel Eloxochitlán ika ilwitl totahtzi

KIMILWIA

Nochti tlen mawiltia *basquetbol*, mamawiltiki itech tlen wey olololistli totoka tlen mochiwas ika tlen satepan:

Amatlanawatil:  
Nochti olololistli kipia tlen kualikaske tlen ipan mawiltiske iwan makipia innumero mamota. Se kitemakas tlen amatlanawatil axka.  
Tlapitzalistli: Sese olololistli kipia tlen se tlapitzas.  
Ika tomin: Tlen tomin kitemakaske kemin tlen olololistli yeske.

Kintemakaske  
Axto: se forete.  
Tlen okse: se ixkatl kipias 60 kilo  
Siktlami: se tentzo kipias 40 kilo

Motlapowiske:  
Nochi tlen tlahtol amo oikuilitia ompamotlapowiske itech olololistli tlaye.

Tlahtlanilistli

Altepetl iwan tonalli:  
28 tlen *septiembre* kanin mawiltia tlen kalwey iwan kanin mawiltia tlen *primaria* “Xikotlenkatl”.

Tlen *hora*: Tlahkotonal.

Mawiltihke:  
Kualtis mawiltiske nochti olololistli tlen kinpaktia tlen kipia kaxtolli xiwitl.

IPANITALISTLI

San Miguel Eloxochitlán, Pue., ipan 2 tlen *septiembre* tlen 2010.  
Mechnotza ilwitekio

Juan Hernández González  
Tekio tlen ika ilwitl

Félix Hernández Pérez  
Tlahkuilo

Miguel Rivera Juárez  
Mololowa inawak tomi